



An Bhruiséil, 25 Meitheamh 2026  
(OR. en, de)

---

---

Comhaid Idirinstitiúideacha:  
2025/0543(COD)  
2025/0544(CNS)

---

---

10460/26  
ADD 2

RECH 277  
COMPET 760  
IND 408  
MI 624  
EDUC 266  
TELECOM 310  
ENER 391  
ENV 718  
CLIMA 324  
AGRI 491  
TRANS 414  
SAN 473  
BIOTECH 77  
CADREFIN 287  
CODEC 1161

#### NÓTA MAIDIR LE MÍR "A"

---

ó:	Ardrúnaíocht na Comhairle
chuig:	An Chomhairle
Ábhar:	An Pacáiste Fís Eorpach: An Clár Réime um Thaighde agus um Nuálaíocht 2028-2034 (a) An Clár Réime agus na rialacha maidir le rannpháirtíocht agus scaipeadh (b) Clár sonracha lena gcuirtear chun feidhme Fís Eorpach – <i>Cur chuige ginearálta páirteach</i> = Ráitis

---

D'iarr na toscaireachtaí seo a leanas go gcuirfí na ráitis chomhfhreagracha isteach i miontuairiscí na Comhairle.

## **RÁITEAS Ó PHOBLACHT NA HOSTAIRE**

### ***Fís Eorpach 2028 – 2034: Cur chuige ginearálta páirteach***

Tacaíonn an Ostair le Fís Eorpach 2028 - 2034, an 10ú ceann de Chláir Réime an Aontais um Thaighde, lena réiteofar an bealach don eolas, don rathúnas agus don tsíocháin san Eoraip.

Le linn na caibidlíochta, d'éirigh leis an Ostair a áitiú gur cheart an taighde a dhíriú sa chaoi is go gcothófar sochaithe atá daonlathach, ilchultúrtha, cuimsitheach, cóir go sóisialta, slán agus síochánta. Ag an am céanna, tá an Ostair i bhfabhar an clár a oscailt do thaighde dé-úsáide chun críoch sibhialta agus míleata araon i gcomhthéacs cheannasacht na hEorpa.

Is oth leis an Ostair, áfach, gur tugadh cistiú trí chlár Fís Eorpach do thaighde nach mbaineann ach le feidhmeanna míleata amháin. Ba cheart an cineál sin taighde a chistiú tríd an gCiste Eorpach um Iomaíocha (CEI), ina ndéanfar gníomhaíochtaí cosanta an Chiste Eorpaigh Cosanta (CEC) atá ann faoi láthair a chomhtháthú.

Leis an ráiteas seo, déantar an creideamh láidir sin a athdhearbhú, cé nár éirigh leis an Ostair a chur ina luí ar na páirtithe caibidlíochta eile gurb ábhar inní é an méid sin. An tráth céanna, cuireann an Ostair in iúl go neamhbhalbh go n-aontaíonn sí le clár Fís Eorpach ar an iomlán.

## **RÁITEAS Ó PHOBLACHT CHÓNAIDHME NA GEARMÁINE**

### ***Fís Eorpach 2028 – 2034: Cur chuige ginearálta páirteach***

Is uirlis bharrthábhachtach é Clár Réime an Aontais um Thaighde agus um Nuálaíocht le haghaidh bharr feabhais, inbhuanaitheacht agus uathriail straitéiseach an Aontais. Is díol sásaimh don Ghearmáin an cur chuige ginearálta páirteach maidir leis an rialachán lena mbunaítear an 10ú Clár Réime (Fís Eorpach 2028-2034, 'CR10').

Mar sin féin, leagann an Ghearmáin béim ar a thábhachtaí atá sé leanúint de na cleachtais a bunaíodh roimhe seo agus atá á gcur i bhfeidhm faoi láthair i ndáil le taighde lena mbaineann gaschealla suthacha daonna agus suthanna daonna.

Is díol sásaimh don Ghearmáin go leagtar síos, in Airteagal 21 (incháilitheacht), mír 10, den Rialachán maidir le CR10, critéir eiteiciúla um eisiámh ó chistiúchán, ar critéir iad atá ceangailteach ó thaobh dlí agus lena leantar de na rialacha a bhí ann roimhe seo faoin Rialachán maidir le Fís Eorpach 2021-2027 ('CR9'). Is den rithábhacht é, áfach, go dtabharfar gealltanas leanúnach don Ghearmáin freisin nach gcuirfidh an tAontas aon mhaoiniú ar fáil le haghaidh taighde trína ndéantar suthanna daonna a scriosadh, lena n-áirítear maoiniú chun gaschealla a sholáthar, ós amhlaidh go bhfuil toirmeasc ar na cleachtais sin faoi reachtaíocht náisiúnta na Gearmáine maidir le cosaint suthanna. Tá an Ghearmáin ag súil go n-eiseoidh an Coimisiún Eorpach dearbhú in am trátha i dtaca leis an Rialachán maidir le CR10, agus ar dearbhú é a bheidh ag teacht leis an dearbhú a eisíodh i dtaca le glacadh an Rialacháin maidir le CR9 (doiciméad 2021/C 185/01, 'Ráiteas ón gCoimisiún maidir le heitic/taighde ar ghaschealla').

**RÁITEAS ÓN TSEICIA, ÓN gCRÓIT, ÓN LAITVIA, ÓN UNGÁIR, ÓN RÓMÁIN,  
ÓN tSLÓVAIC AGUS ÓN tSLÓIVÉIN**

**Fís Eorpach – Cur chuige ginearálta páirteach**

**Comhairle an Aontais Eorpaigh, 26/6/2026**

Tacaíonn an tSeicia, an Chróit, an Laitvia, an Ungáir, an Rómáin, an tSlóvaic agus an tSlóivéin le glacadh an chur chuige ghinearálta pháirtigh maidir leis an togra le haghaidh Fís Eorpach 2028-2034. Ós amhlaidh go bhfuil forálacha dá ghníomhartha dlí atá ina gcuid den chaibidlíocht chothrománach maidir leis an gCreat Airgeadais Ilbhliantúil (CAI) á n-eisiámh ón gcur chuige ginearálta páirteach go dtí go ndéanfar tuilleadh dul chun cinn maidir le CAI, go háirithe Airteagal 19 den Rialachán maidir le Fís Eorpach, aontaíonn siad leis an gcur chuige ginearálta páirteach ar bhonn staid reatha na caibidlíochta maidir le CAI tráth an ghlactha, mar a léirítear sa Bhosca Caibidlíochta a ullmhaíodh faoi fhreagracht na hUachtaránachta í<sup>1</sup>.

Go háirithe, measann an tSeicia, an Chróit, an Laitvia, an Ungáir, an Rómáin, an tSlóvaic agus an tSlóivéin gur den rithábhacht é go leanfar de rochtain a thabhairt, leis an gClár, ar bhearta fothaithe acmhainneachta do thíortha a thagann faoin bhfairsingiú agus do thíortha aistrithe, agus go mbeidh modúlachtaí difreáilte ann do thíortha aistrithe. Measann siad freisin gur den rithábhacht é go ndéanfar aon mhéadú arna dhéanamh ar an infheistíocht phoiblí sa taighde agus sa nuálaíocht mar choinníoll incháilitheachta chun rochtain a fháil ar na bearta ábhartha fothaithe acmhainneachta a mheasúnú ar bhonn méadú ainmniúil ar chaiteachas i gcomparáid leis an mbliain roimhe sin.

---

<sup>1</sup> 10058/26.